

摛藻堂四庫全書薈要

集部

欽定四庫全書叢要

集部

御定全唐詩卷七百四十八

詳校官原任主事臣李斯咏

欽定四庫全書  
欽定全唐詩卷一萬八千一百五十二

集部

御定全唐詩卷七百四十七

李中

中字有中隴西人仕南唐為淦陽宰碧雲集三卷今  
編詩四卷

春日作

和氣來無象物情還暗新乾坤一夕雨草木萬方春染  
一作水煙光媚催花鳥語頻高臺曠望處歌詠屬詩人

# 寒江暮泊寄左偃

維舟蘆荻岸離恨若為寬  
煙火人家遠汀洲暮雨寒  
天涯孤夢去蓬底一燈殘  
不是憑騷雅相思寫亦難

# 喜春雨有寄

青春終日雨公子莫思晴任阻西園會且觀南畝耕最  
憐滋壠麥不恨濕林鶯父老應相賀豐年兆已成

# 魏夫人壇

仙壇遺跡在苔合落花明絳節何年返白雲終日生旋

新芳草色依舊偃松聲欲問希夷事音塵隔上清

訪洞神宮邵道者不遇

閒來仙觀問希夷雲滿

一作雨

星壇水滿池羽客不知何

處去洞前花落立多時

寄贈致仕沈彬郎中

鶴氅換朝服逍遙雲水鄉有時乘一葉載酒入三湘塵

夢年來息詩魔老亦

一作更

狂尊羨與鱸鯉秋興最宜

一作

應

長

贈別

行杯酌罷歌聲歇  
不覺前汀月又生  
自是離人魂易斷  
落花芳草本無情

送劉恭遊廬山兼寄令上人

松桂煙霞蔽梵宮  
詩流閑去訪支公  
石堂磬斷相逢夜

五老月生谿影空

宿廬山白雲峰重道者院

絕頂松堂喜暫遊  
一宵玄論接浮丘  
雲開碧落星河近

月出滄溟世界秋塵裏年光何急急夢中強弱自悠悠

他時書劍酬恩了願逐鸞車看十洲

海上從事秋日書懷

悠悠旅宦役塵埃舊業那堪信未迴千里夢隨殘月斷  
一聲蟬送早秋來壺傾濁酒終難醉匣鎖青萍久不開  
唯有搜吟遣懷抱涼風時復上高臺

訪蔡文慶處士留題

幽人棲息處一到滌塵心鮮色花陰闊棊聲竹逕深籬

根眠野鹿池西戲江禽多謝相留宿開樽拂素琴

寄盧岳鑒上人

岳寺棲鋗錫常人親亦難病披青衲重晚剃白髭寒烘  
壁茶煙暗填溝木葉乾昔年皆禮謁頻到碧雲端

書小齋壁

其誰肯見尋冷淡少知音塵土侵閑榻煙波隔故林竹  
風醒晚醉窗月伴秋吟道在唯求已明時豈陸沈

懷王道者

閑思王道者逸格世難羣何處眠青嶂從來愛白雲酒  
沽應獨醉藥孰許誰分正作趨名計如何得見君

桃花

祇應紅杏是知音灼灼偏宜間竹陰幾樹半開金谷曉  
一溪齊綻武陵深豔舒百葉時皆重子熟千年事莫尋  
誰步宋牆明月下好香和影上衣襟

思舊遊有感

長憶銜杯處醂醕尚未闌江南正煙雨樓上恰春寒好

樹藏鶯密平蕪散野寬如今無處覓音信隔波瀾

依韻和智謙上人送李相公赴昭武軍

暫別廟堂上雄藩去豁情秋風生雁渚晚霧濕龍旌吟  
裏過侯服夢中歸帝城下車軍庶樂千里月華清

姑蘇懷古

闔閭興霸日繁盛復風流歌舞一場夢煙波千古愁樵  
入歸野徑漁笛起扁舟觸目牽傷感將行又駐留

蘇臺蹤跡在曠望向江濱往事誰堪問連空草自春花

疑西子臉濤想伍胥神吟盡情難盡斜陽照路塵

贈史虛白

致主嘉謀尚未伸慨然深志與誰論喚廻古意琴開匣  
陶出真情酒滿樽明月過溪吟釣艇落花堆席睡僧軒  
九重夢卜時終在莫向深雲獨閉門

贈蒯亮處士

著得新書義更幽負琴何處不遨遊玄宮寄宿月華冷  
羽客伴吟松韻秋滿戶煙霞思紫閣一作殿一帆風雨憶

滄洲吾君側席求賢切未可懸瓢枕碧流

春夕偶作

早是春愁觸目生  
那堪春夕酒初醒  
貫珠聲罷人歸去  
半落桃花月在庭

子規

暮春滴血一聲聲  
花落年年不忍聽  
帶月莫啼江畔樹  
酒醒遊子在離亭

書王秀才辭

茅舍何寥落門庭長綠蕪貧來賣書劍病起憶江湖對  
枕暮山碧伴吟涼月孤前賢多晚達莫歎有霜鬚

春日途中作

千祿趨名者迢迢別故林春風短亭路芳草異鄉心雨  
過江山出鶯啼村落深未知將雅道何處謝知音

依韻和蠡澤王去微秀才見寄

咫尺風騷客難諳面繼酬相思對煙雨一雁下汀洲花  
影誰家塢笛聲何處樓櫓笛朗吟罷搔首獨遲留

送孫孔二秀才遊廬山

廬山多勝景偏稱二君遊  
松徑蒼苔合花陰碧澗流傾  
壺同坐石搜句共登樓莫學天台客  
逢山即駐留

春日野望懷故人

野外登臨望蒼蒼煙景昏暖風醫病草甘雨洗荒村雲  
散天邊野一作影潮迴島上痕故人不可見倚杖役吟魂

遊玄真觀

閒吟一作閒遊古觀靜慮想神仙上景非難度陰功不易

全熊壇松作蓋丹井蘚成錢浩浩紅塵裏誰來叩自然

劍客

恩酬期必報豈是輒輕生神劍冲霄去誰為一作為平不

平

鶴

警露精神異冲天羽翼新千年一歸日誰識令威身

送致仕沈彬郎中遊茅山

掛却朝冠披鶴氅羽人相伴恣遨遊忽因風月思茅嶺

便挈琴樽上葉舟野寺宿時魂夢冷海門吟處水雲秋

華陽洞府年光永莫向仙鄉擬駐留

題廬山東寺遠大師影堂

遠公遺跡在東林往事名存動苦吟杉檜已依靈塔老  
煙霞空鎖影堂深入簾輕吹催香印落石幽泉雜聲音  
十八賢人消息斷蓮池千載月沈沈

庭韋

品格清於竹詩家景最幽從裁向池沼長似在汀洲玩

好招溪叟棲堪待野鷗影疎當夕照花亂正深秋韻細  
堪清耳根牢好繫舟故溪高岸上冷淡有誰遊

寄左偃

每病風驟路荒涼人莫遊惟君還似我成癖未能休捨  
寐緣孤月忘形為九秋垂名如不朽那恨雪生頭

宿山店書懷寄東林令圖上人

一宿山前店旅情安可窮猿聲鄉夢後月影竹窗中南  
楚征途闊東吳舊業空虎溪蓮社客應笑此飄蓬

途中聞子規

春殘杜宇愁越客思悠悠雨歇孤村裏一作暮花飛遠水

頭微風聲漸咽高樹血應流因此頻回首家山隔幾州

春日書懷

千峰雪盡鳥聲春日永一作永日孤吟野水濱宵漢路歧異

未得花時空拂滿衣塵

所思代人

巫峽雲深湘水遙更無消息夢空勞夢迴深夜不成寐

起立閒庭花月高

春晚過明氏閑居

寥寥陋巷獨扃門自樂清虛不厭貧數局棋中消永日  
一樽酒裏送殘春雨催綠蘚鋪三徑風送飛花入四鄰  
羨爾朗吟無外事滄洲何必去垂綸

贈重安寂道者

寒松肌骨鷺心情混俗陶陶隱姓名白髮只聞悲短景  
紅塵誰解信長生壺中日月存心近島外煙霞入夢清

每許相親應計分琴餘常見話蓬瀛

江邊吟

風暖汀洲吟興生遠山如畫雨新晴殘陽影裏水東注  
芳草煙中人獨行閃閃酒帘招醉客深深綠樹隱啼鶯  
盤桓漁舍忘歸去雲靜高空月又明

獻張義方常侍

雄飛看是逼嵒廊逸思常聞不暫忘公署靜眠思水石  
古屏閒展看瀟湘老來酒病雖然減秋杪詩魔更是狂

乘興有時招羽客橫琴移月啟茅堂

贈永真一作貞杜翹少府

藍袍竹簡佐琴堂縣僻人稀覺日長愛靜不嫌官況冷  
苦吟從聽鬢毛蒼間尋野寺聽秋水寄睡僧窗到夕陽  
鶯翥會應霄漢去漁竿休更戀滄浪

獻中書韓舍人

丹墀朝退後靜院即冥搜盡日捲簾坐前峰當檻秋窓  
茶留野客展畫看滄洲見說東林夜尋常秉燭遊

獻徐舍人

清名喧四海何止並南金與學羣英伏多才萬乘欽秩  
參金陵峻步歷紫微深顧問承中旨絲綸演帝心褒雄  
饒義路賈馬避詞林下直無他事開門對遠岑軒窗來  
晚吹池沼歌秋霖蘚點生碁石茶煙過竹陰希夷元已  
達躁競豈能侵羽客閒陪飲詩人伴靜吟自慙為滯物  
多幸辱虛襟此日重遭遇心期出陸沈

新秋有感

門巷涼秋至高梧一葉驚漸添衾簟爽頓覺夢魂清暗  
促蓮開豔乍催蟬發聲雨降炎氣減竹引冷煙生成客  
添歸思行人怯遠程未逢征雁下漸聽夜砧鳴張翰思  
鱸興班姬詠扇情音塵兩難問蛩砌月空明

秋雨

竟日散如絲吟看半掩扉秋聲在梧葉潤氣逼書幃曲  
澗泉承去危簷燕帶歸寒蛩悲旅壁亂蘚滑漁磯爽欲  
除幽簟涼須換熟衣踈蓬誰夢斷荒徑獨遊稀偏稱江

湖景不妨鷗鷺飛最憐為瑞處南畝稻苗肥

寄廬山白大師

長憶尋師處東林寄泊時一秋同看月無夜不論詩泉  
美茶香異堂深磬韻遲鹿馴眠蘚徑猿苦叫霜枝別後  
音塵隔年來鬢髮衰趨名方汲汲未果再遊期

訪龍光智謙上人

忽起尋師興穿雲不覺勞相留看山雪盡日論風騷竹  
影搖禪榻茶煙上毳袍夢魂曾去否舊國阻波濤

送仙客

危言危行是男兒  
倚仗相牽豈足悲  
莫向汀洲時獨立  
悠悠斜日照江蘿

祀風師迎神曲

第六句  
缺一字

太皞御氣勾芒肇  
功蒼龍青旗爰候祥  
風律以和應  
以感通鼎俎修鑾時  
惟禮崇

柳二首

春來無樹不青青似共東風別有情  
閒憶舊居溢水畔

數枝煙雨屬啼鶯

最愛青青水國中  
莫愁門外間  
花紅纖纖無力勝春色  
撼起啼鶯恨晚風

送盧阜僧歸山陽

山陽舊社終經夢  
容易言歸不可留  
瓶貯瀑泉離五老  
錫搖江雨上孤舟  
魚行細浪分沙觜  
雁逆高風下葦洲  
遙想枚臯宅邊寺  
不知涼月共誰遊

投所知

孤琴塵翳劍慵磨自顧泥蟠欲奈何千里交親消息斷  
一庭風雨夢魂多題橋未展相如志叩角誰憐甯戚歌  
唯賴明公憐道在敢攜蓑笠釣煙波

寄左偃

蕭條陋巷綠苔侵何事君心似我心貧戶懶開元愛靜  
病身纔起便思吟閑留好鳥庭柯密暗養鳴蛩砌草深  
況是清朝重文物無愁當路少知音

遊北山洞神宮

閼見塵中光景促仙鄉來禮紫陽君人居淡寂應難老  
道在虛無不可聞松檜穩棲三島鶴樓臺閒鎖九霄雲  
羨師向此朝星斗一炷清香午夜焚

思簡寂觀舊遊寄重道者

閒憶當年遊物外羽人曾許駐仙鄉溪頭烘藥煙霞暖  
花下圍棋日月長偷摘蟠桃思曼倩化成蝴蝶學蒙莊  
俗緣未斷歸浮世空望林泉意欲狂

雲

悠悠離洞壑冉冉上天津捧日終為異從龍自有因高  
行四海雨暖拂萬山春靜與霞相近間將鶯最親帝鄉  
歸莫問楚殿夢曾頻白向封中起碧從詩裏新冷容橫  
釣浦輕縷綆蟾輪不滯濃還淡無心卷復伸非煙聊擬  
議干呂一作千里在逡巡會作五般色為祥覆紫宸

徐司徒池亭

亭榭跨池塘泓澄入座涼扶疎皆竹柏冷淡似瀟湘萍  
嫩鋪波面苔深鎖岸傍朝迴遊不厭僧到賞難忘最稱

收殘雨偏宜帶夕陽吟堪期謝朓醉好命嵇康奢侈心  
難及清虛趣最長月明垂釣興何必憶滄浪

賦得江邊草

嶠春芳草合幾處思纏綿向暮江離雨初晴杜若煙靜  
宜幽鶯立遠稱碧波連送別王孫處萋萋南浦邊

江行夜泊

扁舟倦行役寂寂宿江干半夜風雷過一天星斗寒潮  
平沙觜沒霜苦雁聲殘漁父何疎逸扣舷歌未闌

訪山叟留題

策杖尋幽客相攜入竹扃野雲生晚砌病鶴立秋庭茶  
美睡心爽琴清塵慮醒輪蹄應少到門巷草青青

江行晚泊寄溢城知友

孤舟相憶久何處倍關情野渡帆初落秋風蟬一聲江  
浮殘照闊雲散亂山橫漸去溢城遠那堪新月生

秋夕書懷

功名未立誠非晚骨肉分飛又入秋枕上不堪殘夢斷

辟壘窗月夜悠悠

感興

漁休渭水興周日龍起南陽相蜀時不遇文王與先主  
經天才業擬何為

舟中望九華山

排空蒼翠異輶櫂看崔嵬一面雨初歇九峰雲正開當  
時思水石便欲上樓臺隱去心難遂吟餘首懶迴僧休  
傳紫閣屏歇寫天台中有忘機者逍遙不可陪

漁父

煙冷暮江濱高歌散誕身移舟過蓼岸待月正絲綸亦  
與樵翁約同遊酒市春白頭雲水上不識獨醒人

贈上都紫極宮劉日新先生

道德吾君重含貞本去華因知鍊神骨何必在煙霞某  
散庭花落詩成海月斜瀛洲舊仙侶應許寄丹砂

勉同志

讀書與磨劍旦夕但忘疲儻若功名立那愁變化遲塵

從侵硯席苔任滿庭墀明代搜揚切升沈莫問龜

寄劉鈞秀才

掩戶當春晝知君志在詩間花半落處幽客未來時野

鳥穿莎一作沙徑江雲過竹籬會須明月夜與子水邊期

離亭前思有寄

酒醒江亭客纏綿恨別離笙歌筵散後風月夜長時耿耿看燈暗悠悠結夢遲若無騷雅分何計達相思

贈上都先業大師

懶向人前著紫衣虛堂間倚一條藜雖承雨露居龍闕  
終憶煙霞夢虎溪睡起曉窗風淅淅病來深院草萋萋  
有時乘興尋師去煮茗同吟到日西

思九江舊居三首

結茅曾在碧江隈多病貧身養拙來雨歇汀洲垂釣去  
月當門卷訪僧迴靜臨窗下開琴匣悶向牀頭潑酒醅  
遊宦等閒千里隔空餘魂夢到漁臺

門前煙水似瀟湘放曠優游興味長虛閣靜眠聽遠浪

扁舟閑上泛殘陽鶴翹碧蘚庭除冷竹引清風枕簟涼  
犬吠疎籬明月上鄰翁攜酒到茅堂

無機終日狎沙鷗得意高吟景且幽檻底江流偏稱月  
簷前山色最宜秋遙村處處吹橫笛曲㟁家家繫小舟  
別後再遊心未遂設屏惟畫白蘋洲

贈東林白大師

虎溪久駐靈蹤禪外詩魔尚濃卷宿吟銷永日移牀坐  
對千峰蒼苔冷鑠幽徑微風閒坐古松自說年來老病

出門漸覺疎慵

春曉

殘燭猶存月尚明，幾家幃幌夢魂驚。  
星河漸沒行人動

歷歷林梢百舌聲

聽鄭羽人彈琴

仙鄉景已清，仙子啟琴聲。  
秋月空山寂，涼風一夜生。  
莎間蟲罷響，松頂鶴初驚。  
因感浮華世，誰憐太古情。

秋夕書事寄友人

信斷關河遠相思秋夜深砌蛩聲咽咽簷月影沈沈未  
遂青雲志那堪素髮侵吟餘成不寐徹曙四鄰砧

秋日途中

竹林已蕭索客思正如舊舊業吳江外新蟬楚驛頭遙  
天疎雨過列岫亂雲收今夕誰家宿孤吟月色秋

秋夜吟寄左偃

與君詩興素來狂况入清秋夜景長溪閣共誰看好月  
莎階應獨聽寒蟬卷中新句誠堪喜身外浮名不足忙

會約垂名繼前哲任他玄髮盡如霜

竹

森森移得自山莊植向空庭野興長便有好風來枕簟  
更無閒夢到瀟湘鷹來砌蘚經踈雨引下溪禽帶夕陽  
閒約羽人同賞處安排基局就清涼

懷廬岳舊遊寄劉鈞因感鑒上人

昔年廬岳間遊日乘興因尋物外僧寄宿愛聽松葉雨  
論詩惟對竹窗燈各拘片祿尋分別高謝浮名竟未能

一念支公安可見影堂何處暮雲凝

依韻酬智謙上人見寄

性拙才非逸同心友亦稀風昏秋病眼霜濕夜吟衣鶯  
谷期猶負蘭陔養不違吾師惠佳句勝得楚金歸

落花

年年三月暮無計惜殘紅酷恨西園雨生憎南陌風片  
隨流水遠色逐斷霞空悵望叢林下悠悠飲興窮

題柳

折向離亭畔春光滿手生羣花豈無艷柔質自多情夾  
㟁籠溪月兼風撼野鶯隋堤三月暮飛絮想縱橫

贈謙明上人

雖寄上都眠竹寺逸情終憶白雲端閒登鍾阜林泉晚  
夢去沃洲風雨寒新試茶經煎有興舊題詩病捨終難  
常聞秋夕多無寐月在高臺獨凭欄

書蔡隱士壁

病後霜髭出衡門寂寞中蠹侵書帙損塵覆酒樽空池

暗旅蒲雨徑香蘭蕙風幽閒已得趣不見卜窮通

贈鍾尊師遊茅山

筇杖擔琴背俗塵路尋茅嶺有誰羣仙翁物外應相遇  
靈藥壺中必許分香入肌膚花洞酒冷侵魂夢石牀雲  
伊予亦有朝修志異日遨遊願見君

訪徐長史留題水閣

君家池閣靜一到且淹留坐聽蒹葭雨如看島嶼秋杯  
盤深有興吟笑迴忘憂更愛幽奇處雙雙下野鷗

夕陽

影未沈山水面紅遙天雨過促征鴻魂銷舉子不回首  
閒照槐花驛路中

鷓鴣

流品是鴛鴦翻飛雲水鄉風高離極浦煙暝下方塘比  
鶯行藏別穿荷羽翼香雙雙浴輕浪誰見在瀟湘

所思

離思春來切誰能慰寂寥花飛寒食過雲重楚山遙耿

耿夢徒徃悠悠鬢易凋那堪對明月獨立水邊橋

御定全唐詩卷七百四十七

欽定四庫全書  
欽定全唐詩卷一萬八千一百五十三

集部

御定全唐詩卷七百四十八

李中

春閨辭二首

卷簾遲日暖睡起思沈沈遼海音塵遠春風旅館深  
跫留鳥語曲砌轉花陰寄語長征客流年不易禁

不得遼陽信春心何以安鳥啼窗樹曉夢斷碧煙殘綠  
檻開還懶紅顏駐且難相思誰可訴時取舊書看

臘中作

冬至雖云遠渾疑朔漠中勁風吹大野密雪翳高空泉  
凍如頑石人藏類蟄蟲豪家應不覺獸炭滿爐紅

海城秋日書懷寄朐山孫明府

槐柳蟬聲起渡頭海城孤客思悠悠青雲展志知何日  
皓月牽吟又入秋鑑裏漸生潘岳鬢風前猶著卜商裘  
鳴琴良宰揮毫士應笑蹉跎身未酬

題柴司徒亭假山

疊石峩峩象翠微遠山魂夢便應稀從教蘚長添峰色  
好引泉來作瀑飛螢影夜攢疑燒起茶煙朝出認雲歸  
知君創得茲幽致公退吟看到落暉

都下寒食夜作

香塵未歇暝煙收城滿笙歌事勝遊自是離人睡長早  
千家簾卷月當樓

客中春思

又聽黃鳥綿蠻目斷家鄉未還春水引將客夢悠悠繞

遍關山

所思

門掩殘花寂寂簾垂斜月悠悠縱有一庭萱草何曾與  
我忘憂

江館秋思因成自勉

江邊候館幽汀鳥暝煙收客思雖悲月詩魔又愛秋聲  
名都是幻窮達未能憂散逸憐漁父波中漾小舟

贈朐山楊宰

訟閒徵賦畢更散卷簾時聽雨入秋竹留僧覆舊基得

詩書落葉者芳汲寒池化俗功成後煙霄會有期

廬山

控壓潯陽景崔嵬古及今勢雄超地表翠盛接天心溢

浦春煙列

一作到

星灣晚景沈圖經宜細覽題詠卒難任

靖節門遙對庾公樓俯臨參差舍積雪隱映見歸禽峭

拔推雙劍清虛數二林白蓮池宛在翠輦事難尋天近

星河冷龍歸洞穴深谷春攢錦繡石潤疊瓊琳玄鶴傳

仙拜青猿伴客吟泉通九江遠雲出幾州陰冬有靈湯  
溢夏無炎暑侵他年如遂隱五老是知音

送孫霽書記赴壽陽辟命

辟命羨君赴其如愴別情酒闌汀樹晚帆轉野風生淮  
靜寒煙斂村遙夜火明醉沈胸嶺夢吟達壽春城舊友  
搖鞭接元戎掃榻迎雪晴蓮幕啟雲散桂山橫王粲從  
軍畫陳琳草檄名知君提健筆重振此嘉聲

聽蟬寄朐山孫明府

忽聽新蟬發客情其奈何西風起槐柳故國阻煙波  
笛悲猶少巴猿恨未多不知陶靖節還動此心麼

秋江夜泊寄劉鈞正字

間憶詩人思倍勞維舟清夜泥風驅魚龍不動澄江遠  
雲霧皆收皎月高潮滿釣舟迷浦嶼霜繁野樹叫猿猱  
此時吟苦君知否雙鬢從他有二毛

贈朐山孫明府

縣庭無事似山齋滿砌青青旋長苔閒撫素琴曹吏散

自烹新茗海僧來買將病鶴勞心養移得閒花用意栽  
幾度訪君留我醉甕香皆值酒新聞

贈海上書記張濟員外

鵬霄休歎志難伸貧病雖禁道且存阮瑀不能專筆硯  
嵇康唯要樂琴尊春風滿院空欹枕芳草侵階獨閉門  
劍有塵埃書有蠹昔年心事共誰論

對竹

懶穿幽徑衝鳴鳥忍踏清陰捐翠苔不似閉門欹枕聽

秋聲如雨入軒來

送朐山孫明府赴壽陽幕辟命

堪羨元戎虛右席便承綸綺起

一作赴

金臺菊叢憔悴陶

潛去蓮幕光輝阮瑀來好向尊罍陳妙畫定應書檄播  
雄才預愁別後相思處月入閒窗遠夢迴

經廢宅

一夢奢華去不還斷牆花發豈堪看玉纖素綆知何處  
金井梧枯碧甃寒

溪邊吟

鶼鶼雙飛下碧流蓼花蘋穗正含秋茜裙二八採蓮去笑衝微雨上蘭舟

得故人消息

多難分離久相思每淚垂夢歸殘月曉信到落花時未必乖良會何當有後期那堪樓上望煙水接天涯

芳草

二月正綿綿離情被爾牽四郊初過雨萬里正鋪煙眷

戀殘花惹留連醉客眠飄香是杜若最憶楚江邊

江南春

千家事勝遊景物可忘憂水國樓臺晚春郊煙雨收鷓  
鴣啼竹樹杜若媚汀洲永巷歌聲遠王孫會莫愁

悼亡

巷深芳草細門靜綠楊低室邇人何處花殘月又西武  
陵期已負巫峽夢終迷獨立銷魂久雙雙好鳥啼

春晏寄從弟德潤

相思禁煙近樓上動吟魂水國春寒在人家暮雨昏木  
橋通竹樹香徑匝蘭蓀安得吾宗會高歌醉一尊

贈致仕沈彬郎中

自言婚嫁畢塵事不關心老去詩魔在春來酒病深山  
翁期採藥海月伴鳴琴多謝維舟處相留接靜吟

憶溪居

竹軒臨水靜無塵別後鳬鷺入夢頻杜若菰蒲煙雨歇

一溪春色屬何人

登上蔡縣城樓

長涯煙水又含秋  
吏散時時獨上樓  
信斷蘭臺鄉國遠  
依稀王粲在荊州

下蔡春偶作

旅館飄飄類斷蓬  
悠悠心緒有誰同  
一宵風雨花飛後  
萬里鄉關夢自通  
多難不堪容鬢改  
沃愁惟怕酒杯空  
採蘭扇枕何時遂  
洗慮焚香叩上穹

再遊洞神宮懷邵羽人有感

重向煙蘿省舊遊因尋遺跡想浮丘峰

一作松

頭鶴去三

清遠壇畔月明千古秋泉落小池清復咽雲從高嶠起

還收自慙未得冲虛術白髮無情漸滿頭

秋雨二首

飄灑當窮巷苦深落葉鋪送寒來客館滴夢在庭梧逼  
砌蛩聲斷侵窗竹影孤遙思漁叟興蓑笠在江湖

竟日聲蕭颯兼風不暫闌竹窗秋睡美荻浦夜漁寒地  
僻苦生易林疎鳥宿難誰知苦吟者坐聽一燈殘

經古觀有感

古觀寥寥枕碧溪偶思前事立殘暉漆園化蝶名空在  
柱史猶龍去不歸丹井泉枯苔鎖合醮壇松折鶴來稀  
回頭因歎浮生事夢裏光陰疾若飛

吉水春暮訪蔡文慶處士留題

無事無憂鬢任蒼濁醪閒酌送韶光溟濛雨過池塘暖  
狼藉花飛硯席香好古未嘗疎典冊懸圖時要看瀟湘  
戀君清話難留處歸路迢迢又夕陽

烈祖孝高挽歌二首

誰解叩乾闢  
音容去不還  
位方尊北極壽  
忽殞南山鳳輦  
應難問龍輿  
不可攀千秋遺恨處  
雲物鎖橋山

仙馭歸何處  
蒼蒼問且難  
華夷喧道德  
陵壠葬衣冠  
御水穿城咽  
宮花泣露寒  
九疑消息斷  
空望白雲端

贈海上觀音院文依上人

煙霞海邊寺  
高卧出門慵  
白日少來客  
清風生古松  
虛窗從燕入  
壞屐任苔封  
幾度陪師話  
相留到暮鐘

秋夕病中作

卧病當秋夕悠悠枕上情不堪拋月色無計避蟲聲煎藥惟憂澁停燈又怕明曉臨清鑑裏應有白鬚生

寄黃鶲秀才

長憶狂遊日惜春心恰同預愁花片落不遣酒壺空草軟眠難捨鶯嬌聽莫窮如今千里隔搔首對秋風

春日書懷寄朐山孫明府

一作邊城客閒門兩度春鶯花深院雨書劍滿牀塵紫

閣期終負青雲道未伸猶憐陶靖節詩酒每相親

柴司徒宅牡丹

暮春欄檻有佳期公子開顏乍折時翠幄密籠鶯未識  
好香難掩蝶先知願陪妓女爭調樂欲賞賓朋預課詩  
只恐却隨雲雨去隔年還是動相思

贈王道者

混俗從教鬢似銀世人無分得相親槎流海上波濤闊  
酒滿壺中天地春功就不看丹竈火性閒時拂玉琴塵

仙家變化誰能測只恐洪崖是此身

春閨辭二首

塵昏菱鑑懶修容雙臉桃花落盡紅玉塞夢歸殘燭在  
曉鶯窗外轉梧桐

邊無音信暗消魂茜袖香裙積淚痕海燕歸來門半掩  
悠悠花落又黃昏

暮春懷故人

池館寂寥三月盡落花重疊蓋苔苔惜春眷戀不忍掃

感物心情無計開夢斷美人沈信息目穿長路倚樓臺  
琅玕繡段安可得流水浮雲共不迴

秋日登潤州城樓

虛樓一望極封疆積雨晴來野景長水接海門鋪遠色  
稻連京口發秋香鳴蟬歷歷空相續歸鳥翩翩自著行  
吟罷倚欄深有思清風留我到斜陽

晚春客次偶吟

暫駐征輪野店間悠悠時節又春殘落花風急宿醒解

芳草雨昏春夢寒  
慙逐利名頭易白  
欲眠雲水志猶難  
却憐村寺僧相引  
閒上虛樓共倚欄

對雨寄朐山林番明府

竟日如絲不暫停  
莎階閒聽滴秋聲  
斜飄虛閣琴書潤  
冷逼幽窗夢寐清  
開戶只添搜句味  
看山還阻上樓情  
遙知公退琴堂靜  
坐對蕭騷飲興生

落花

殘紅引動詩魔懷  
古韋情奈何半落  
銅臺月曉亂飄金

谷風多悠悠旋逐流水片片輕粘短莎誰見長門深鎖

黃昏細雨相和

燕

豪家五色泥香銜得營巢太忙喧覺佳人畫夢雙雙宿

在雕梁

鶯

羽毛特異諸禽出谷堪聽好音薄暮欲棲何處雨昏楊

柳深深

宿山中寺

寄宿深山寺，惟逢老病僧。  
風吹幾世樹，雲暗暮秋燈。  
暝目忘塵慮，談空入上乘。  
明晨返名路，何計戀南能。

海上載筆依韻酬左偃見寄

都城分別後，海嶠夢魂迷。  
吟興疎煙月，邊情起鼓鼙。  
戍旗風颺小，營柳霧籠低。  
草檄無餘刃，難將阮瑀齊。

春晚招魯從事

袞袞利名役，常嗟聚會稀。  
有心遊好景，無術駐殘暉。  
南

陌草爭茂西園花亂飛期君舉杯酒不醉莫言歸

和易秀才春日見寄

每恨多流落吾徒不易親相逢千里客共醉百花春小  
檻山當面間增柳拂塵何時卜西上明月桂枝新

送黃一作王秀才

雨餘飛絮亂相別思難任酒罷河橋晚帆開煙水深蟾  
宮須展志漁艇莫牽心歧路從茲遠雙魚信勿沈

庭竹

偶自山僧院移歸傍砌裁好風終日起幽鳥有時來篩

月牽詩興籠煙伴酒杯南窗睡輕起蕭颯雨聲迴

送戴秀才

已是殊鄉客送君重慘然河橋乍分首槐柳正鳴蟬短  
權離幽浦孤帆觸遠煙清朝重文物變化莫遷延

病中一作一作

間齋病初起心緒復悠悠開篋羣書蠹聽蟬滿樹秋詩  
魔還漸動藥債未能酬為憶前山色扶持上小樓

離家

送別人歸春日斜獨鞭羸馬指天涯月生江上鄉心動

投宿物一作狼忙近酒家

村行

極目青青壠麥齊野塘波闊下鳥鶩陽烏景暖林桑密  
獨立閑聽戴勝啼

獻喬侍郎

位望誰能並當年志已伸人間傳鳳藻天上演龍綸賈

馬才無敵褒雄譽益臻除奸深繫念致主迴忘身諫疏  
縱橫上危言果敢陳忠貞雖貫世消長豈由人慷慨辭  
朝闕迢涉路塵千山明夕照孤櫂渡長津杜宇聲方  
切江離色正新卷舒惟合道喜慍不勞神禪客陪清論  
漁翁作近鄰靜吟窮野景狂醉養天真格論思名士輿  
情渴直臣九霄恩復降比戶意皆忻却入鴛鸞序終身

一  
承

顧問頻漏殘丹禁曉日暖玉墀春鑒物心如水憂

時鬢若銀惟期康庶事永要敘彝倫貴賤知無間孤寒

必許親幾多沈滯者拭目望陶釣

獻中書張舍人

仙桂從攀後人間播大名飛騰諳素志霄漢是前程持  
憲威聲振司言品秩清簾開春酒醒月上草麻成丹陛  
凌晨對青雲逐步生照人襄玉瑩鑒物憲陂明下直無  
他事閒遊恣逸情林僧開戶接溪叟掃苔迎煮茗山房  
冷垂綸野艇輕神清宜放曠詩苦益縱橫餘刃時皆仰  
嘉謀衆佇行四方觀啟沃畢一作竟念孤平

海上和郎戩員外赴倅職

宋玉逢秋何起悲  
新恩委寄好開眉  
班升鴛鷺頻經歲  
任佐龍黃必暫時  
乍對煙霞吟海嶠  
應思頰蓼夢江湄  
一朝鳳詔重徵入  
鵬化那教尺鶴知

又送赴關

心似白雲歸帝鄉  
暫停良畫別龍黃  
煙波乍曉浮蘭櫂  
魂夢先飛近御香  
一路伴吟汀草綠  
幾程清思水風涼  
想應敷對忠言後  
不放卿雲離太陽

書郭判官幽齋壁

不妨公退尚清虛創得幽齋興有餘要引好風清戶牖  
旋裁新竹滿庭除傾壺待客花開後煮茗留僧月上初  
更有野情堪愛處石牀苔蘚似匡廬

石棊局獻時宰

得從岳叟誠堪重却獻皇夔事更宜公退啟枰書院靜  
日斜收子竹陰移適情豈待樵柯爛罷局還應屐齒隙  
預想幽窗風雨夜一燈閒照覆圖時

海城秋夕寄懷舍弟

鳥棲庭樹夜悠悠枕上誰知淚暗流千里夢魂迷舊業  
一城砧杵搗殘秋窗閑寂寂燈猶在簾外蕭蕭雨未休  
早晚菜衣同著去免悲流落在邊州

和夏侯秀才春日見寄

緝蠻黃鳥不堪聽觸目離愁怕酒醒雲散碧山當晚檻  
雨催青蘚匝春庭尋芳懶向桃花塢垂釣空思杜若汀  
晝夢不成吟有興揮毫書在枕邊屏

送夏侯秀才

江村搖落暮蟬鳴執手臨岐動別情古岸相看殘照在  
片帆難駐好風生牽吟一路逢山色醒睡長汀對月明  
况是清朝至公在預知喬木定遷鶯

江南重會友人感舊二首

江南重會面聊話十年心共立黃花畔空驚素髮侵斜  
陽浮遠水歸鳥下疎林牽動詩魔處涼風村落砧  
長江落照天物景似當年憶昔攜村酒相將上釣船狂

歌紅蓼  
嘶鶩起白鷗  
眠今日趨名急  
臨風一黯然

己未歲冬捧宣頭離下蔡

詔下如春煦  
巢南志不違  
空將感恩淚滴盡

一作  
盡滴

冒寒

衣覆載元容善  
形骸果得歸  
無心慙季路  
負米覲親聞

哭舍弟二首

鴻鴈離羣後  
成行憶日存  
誰知歸故里  
只得奠醯魂  
蟲書盈篋人稀  
草擁門從茲  
長慟後獨自奉  
晨昏

浮生多夭枉  
惟爾最堪悲  
同氣未歸日  
慈親臨老時  
舊

詩傳海嶠

舍弟有詩云夢斷海山遠夜長風雨多傳至海上

新塚枕江濱遺稚

嗚嗚處黃昏繞總帷

書情寄詩友

默默誰知我襄回野水邊詩情長若舊吾事更無先芳  
草人稀地殘陽雁過天靜思吟友外此意復誰憐

讀蜀志

鼎分天地日先主力元微魚水從相得山河遂有歸任  
賢無間忌報國盡神機草昧爭雄者君臣似此稀

獻張拾遺

官資清貴近丹墀性格孤高世所稀金殿日開親鳳宸  
古帳時展看漁磯酒醒虛閣秋簾捲吟對疎篁夕鳥歸  
獻替頻陳忠譽播鵬霄萬里展雄飛

獻中書湯舍人

慶雲呈瑞為明時演暢絲綸在此紫微鑾殿對時親舜日  
鯉庭過處著萊衣間尋竹寺聽啼鳥吟倚江樓戀落暉  
陽座銀屏看是設一門清貴古今稀

# 海上太守新創東亭

使君心智杳難同，選勝開亭景莫窮。  
高敞軒窗迎海月，預栽花木待春風。  
靜披典籍堪師古，醉擁笙歌不礙公。  
滿徑苔紋疎雨後，入簷山色夕陽中。  
偏宜下榻延徐孺，最稱登門禮孔融。  
事簡豈妨頻賞翫，況當為政有餘功。

## 宮詞二首

門簾簾垂月影斜，翠華咫尺隔天涯。  
香鋪一作鋪羅幌不

成夢背壁銀缸落盡花

金波寒透水精簾燒盡沈檀手自添風遞笙歌門已掩  
翠華何處夜厭厭

採蓮女

晚涼含笑上蘭舟波底紅妝影欲浮陌上少年休植足  
荷香深處不迴頭

鍾陵春思

沈沈樓影月當午冉冉風香花正開芳草迢迢滿南陌  
王孫何處不歸來

贈夏秀才

軒車紫陌競尋春，獨掩衡門病起身。  
步月怕傷三徑鮮，取琴因拂一牀塵。  
明時倘有丹枝分青鑑，從他素髮新。  
况是青雲知已在，原思生計莫憂貧。

夏日書依上人壁

門外塵飛暑氣濃，院中蕭索似山中最憐煮茗相留處。  
疎竹當軒一榻風，疎竹當軒一榻風。

下蔡春暮旅懷

柳過春霖絮亂飛  
旅中懷抱獨棲棲  
月生淮上雲初散  
家在江南夢去迷  
髮白每慙清鑑啟  
心孤長怯子規啼  
拜恩一作章為養慈親急  
願向明朝捧紫泥

捧宣頭許歸侍養

泥書捧處聖恩新  
許近庭闈養二親  
蝶蟻至微寧足數  
未知何處答穹旻

途中作

逢舊識聞老親所患不至加甚

煙波涉歷指家林  
欲到家林懼却深  
得信慈親疴瘵減

當時寬勉採蘭心

都下再會友人

誰言多難後重會  
喜淹留欲話關河夢  
先驚鬢髮秋浮雲  
空冉冉遠水自悠悠  
夕謝開青眼攜壺共上樓

御定全唐詩卷七百四十八


謹案卷七百四十七第四頁後七行漁笛起扁舟  
刊本扁訛偏據別本改

卷七百四十八第三頁後三行送孫霽書記赴壽  
陽辟命刊本辟訛壁據別本改

第七頁前一行登上蔡縣城樓刊本脫樓字據別  
本增



金匱要略全書



總校官庶吉士臣張能照  
校對官庶吉士臣翟槐

謄錄監生臣李惠滋

欽定四庫全書叢要

集部

御定全唐詩卷七百四十九至五十二

詳校官原任主事臣李斯咏

欽定四庫全書會要卷一萬八千一百五十四

集部

御定全唐詩卷七百四十九

李中

登毘陵青山樓

高  
廩  
閣  
樓  
間  
上  
對  
晴  
空  
豁  
目  
開  
襟  
半  
日  
中  
千  
里  
吳  
山  
青  
不  
斷  
一  
邊  
遼  
海  
浸  
無  
窮  
人  
生  
歌  
笑  
開  
花  
霧  
一作露  
世  
界  
興  
亡  
落  
葉  
風  
吟  
罷  
倚  
欄  
何  
限  
意  
回  
頭  
城  
郭  
暮  
煙  
籠

晉陵罷任寓居依韻和陳銳秀才見寄

掩門三徑莓苔綠車馬誰來陋巷間卧棄琴書公幹病  
笑迎風月步兵閒當秋每謝虧清耳漸老多慙酒借顏  
濟物未能伸一術敢於明代愛青山

春苔

春霖催得鎖煙濃竹院莎齋徑小通誰愛落花風味處  
莫愁門巷襯殘紅

夏雲

如峰形狀在西郊未見從龍空次寥多謝好風吹起後

化為甘雨濟田苗

書夏秀才幽居壁

永卷苔深戶半開牀頭書劍積塵埃最憐小檻疎篁晚  
幽鳥雙雙何處來

紅花

紅花顏色掩千花任是猩猩血未加染出輕羅莫相貴  
古人崇儉誠奢華

安福縣秋吟寄陳銳祕書

縣庭事簡得餘功詩興秋來不可窮卧聽寒蛩莎砌月  
行衝落葉水村風愁髭漸去人前白醉面猶憐鑑裏紅  
苦恨交親多契闊未知良會幾時同

新喻縣酬王仲華少府見貽

事簡開樽有逸情共忻官舍月華清每慙花欠河陽景  
長愧琴無單父聲未泰黎元慚曠職縱行謙直是虛名  
與君盡力行公道敢向昌朝俟陟明

暮春有感寄宋維員外

杜宇聲中老病心此心無計駐光陰西園雨過好花盡  
南陌人稀芳草深喧夢却嫌鶯語老伴吟惟怕月輪沈  
明年才候東風至結駟期君預去尋

題吉水縣廳前新栽小松

剷開幽澗蘚苔斑移得孤根植砌前影小未遮官舍月  
翠濃猶帶舊山煙羣花解笑香寧久衆木雖高節不堅  
輸我婆娑欄檻內晚風蕭颯學幽泉

贈一作賜念法華經綬上人

五更初起掃松堂暝目先焚一炷香念徹蓮經誰得見  
千峰巖外曉蒼蒼

秋日途中

信步騰騰野岸邊離家却為利名牽踈林一路斜陽裏  
颯颯西風滿耳蟬

宿韋校書幽居

溪上高眠與鶴閒開樽留我待柴關園林月白秋霖歇

一夜泉聲似故山

依韻和友人秋夕見寄

夕風庭葉落誰見此時情不作關河夢空聞砧杵聲會  
須求至理何必歎無成好約高僧宿同看海月生

吉水作尉酬高援秀才見贈

佐邑慙無術敢言貧與清風騷誰是主煙月自關情卷  
箔當山色開窗就竹聲憐君惠嘉句資我欲垂名

送智雄上人

忽起游方念飄然不可留未知攜一錫乘興向何州古

嶠春雲散遙天晚雨收相應重會面風月又清秋

覽友人卷

新詩開卷處造化竭精英雪霽楚山碧月高湘水清初  
吟塵慮息再味古風生自此寰區內喧騰二雅名

送人南遊

浪跡天涯去南荒必動情草青虞帝廟雲暗夜郎城越  
鳥驚鄉夢蠻風解宿醒早思歸故里華髮等閒生

晉陵縣夏日作

事簡公庭靜開簾暑氣中依經煎綠茗入竹就清風至論招禪客忘機憶釣翁晚涼安枕簟海月出牆東

郵亭蚤起

郵舍殘燈在村林雞唱頻星河吟裏曉川陸望中春舊友青雲貴殊鄉素髮新悠悠念行計難更駐征輪

客中寒食

旅次經寒食思鄉淚濕巾音書天外斷桃李雨中春欲飲都無緒唯吟似有因輸他郊郭外多少踏青人

旅館秋夕

寥寥山館裏獨坐酒初醒舊業多年別秋霖一夜聽砌  
蟲聲漸息窗燭影猶停蚤晚無他事休如泛水萍

宿青溪米處士幽居

寄宿溪光裏夜涼高士家養風窗外竹叫月水中蛙靜  
慮同搜句清神旋煮茶唯憂曉雞唱塵裏事如麻

維舟秋浦逢故人張矩同泊

卸帆清夜碧江濱冉冉涼風動白蘋波上正吟新霽月

峯頭恰見故鄉人共驚別後霜侵鬢互說年來疾逼身  
且飲一壺銷百恨會須遭遇識通津

代別

明日鳴鞭天一涯悠悠此夕怯分離紅樓有恨金波轉  
翠黛無言玉筋垂浮蟻不能迷遠意迴紋從此寄相思  
花時定是慵開鑑獨向春風忍掃眉

悼懷王喪妃

花綻花開事可驚暫來浮世返蓬瀛楚宮夢斷雲空在

洛浦神歸月自明香解返魂成浪語膠能續斷是虛名  
音容寂寥春牢落誰會樓中獨立情

酒醒

睡覺花陰芳草軟不知明月出墻東杯盤狼藉人何處  
聚散空驚似夢中

送虞道士

煙霞聚散通三島星斗分明在一壺笑說餘杭沽酒去

蔡家重要會麻姑

懷舊夜吟寄趙杞

長笛聲中海月飛桃花零落滿庭墀  
魂銷事去無尋處酒醒孤吟不寐時  
壹草豈能忘積恨尺書誰與達相思  
悠悠方寸何因解明日江樓望渺瀾

宿臨江驛

候館寥寥輶櫂歌酒醒無奈旅愁何  
雨昏郊郭行人少葦暗汀洲宿雁多  
千祿已悲凋髮鬢結茅終愧負煙蘿  
篇章早晚逢知已苦志忘形自有魔

途中柳

翠色晴來近長亭路去遙無人折煙縷落日拂溪橋

隔牆花

顏色尤難近馨香不易通朱門金鎖隔空使怨春風

廣陵寒食夜

廣陵寒食夜豪貴足佳期紫陌人歸後紅樓月上時綺  
羅香未歇絲竹韻猶遲明日踏青興輸他輕薄兒

寄廬山莊隱士

煙蘿擁竹闈物外自求安逼枕溪聲近當簷岳色寒藥  
苗應自採琴調對誰彈待了浮名後依君共挂冠

吉水寄閻侍御

時公調官溫川

何處懷君切令人欲白頭偶尋花外寺獨立水邊樓不得論休戚何因校獻酬吟餘興難盡風笛起漁舟

送張維貞少府之江陰

相送煙汀畔酒闌登小舟離京梅雨歇到邑早蟬秋俗必期康濟詩誰共唱酬晚涼諸吏散海月入一作虛樓

鍾陵禁煙寄從弟

落絮飛花日又西踏青無侶草萋萋交親書斷竟不到  
忍聽黃昏杜宇啼

夜泊江渚

水鄉明月上晴空汀島香生杜若風不是當年獨醒客  
且沽村酒待漁翁

吉水縣依韻酬華松秀才見寄

官况蕭條在水村吏歸無事好論文枕欹獨聽殘春雨

夢去空尋五老雲竹逕每憐和蘚步禽聲偏愛隔花聞  
詩情冷淡知音少獨喜江臯得見君

貽廬山清溪觀王尊師

霞帔星冠復杖藜積年脩鍊住靈溪松軒睡覺冷雲起  
石磴坐來春日西採藥每尋巖徑遠彈琴常到月輪低  
鼎中龍虎功成後海上三山去不迷

王昭君

蛾眉翻自累萬里陷窮邊滴淚胡風起寬心漢月圓飛

塵長翳日白草自連天誰貢和親策千秋汚簡編

送姚端先輩歸寧

知君歸覲省稱意涉通津解纜汀洲曉張帆煙水春牽  
吟芳草遠貰酒亂花新拜慶庭闈處蟾枝香滿身

江村晚秋作

高秋水村路隔㟁見人家好是經霜葉紅於帶露花臨  
罾魚易得就店酒難賒吟興胡能盡風清日又斜

蛩

月冷莎庭夜已深百蟲聲外有清音詩情正苦無眠處愧爾堦前相伴吟

感秋書事

宦途憔悴雪生頭家計相牽未得休紅蓼白蘋消息斷舊溪煙月負漁舟

訪廬山歸章禪伯

沈沈石室疎鐘後寂寂莎池片月明多少學徒求妙法要於言下悟無生

廬山棲隱洞譚先生院留題

壇畔歸雲冷濕襟拂苔移石坐花陰偶然醒得莊周夢  
始覺玄門興味深

江行值暴風雨

風狂雨暗舟人懼自委神明志不邪投得葦灣波浪息  
峩頭煙火近人家

杪秋夕吟懷寄宋維先輩

江島窮秋木葉稀月高何處搗寒衣苦嗟不見登龍客

此夜悠悠一夢飛

七夕

星河耿耿正新秋絲竹千家列綵樓可惜穿針方有興  
纖纖初月苦難留

吉水作尉時酬閻侍御見寄

謬佐驅雞任常思賦鵬人

時閻公謫官吉州

未諳林下約空感

病來身鑠徑青苔老鋪墻紅葉新相思不可見猶喜得

書頻

清溪逢張維貞秀才

洞隱紅霞外房開碧嶂根昔年同鍊句幾夜共聽猿考  
古書千卷忘憂酒一樽如今歸建業雅道喜重論

送閻侍御歸闕

羨君乘紫詔歸路指通津鼓櫂煙波暖還京雨露新趨  
朝丹禁曉聳轡九衢春自愧湮沈者隨軒未有因

甲子歲罷吉水縣過鍾陵時暮春維舟江渚謁

柴太尉席上作

公侯延駐暫踟蹰况值風光三月初亂落杯盤花片小  
靜籠池閣柳陰踈舟維南浦程雖阻飲預西園興有餘  
却笑田家門下客當時容易歎車魚

海上春夕旅懷寄左偃

此詩與下蔡春暮旅懷略同

柳過清明絮亂飛感時懷舊思悽淒月生樓閣雲初散  
家在汀洲夢去迷髮白每慙清鑑啟酒醒長怯子規啼  
北山高卧風騷客安得同吟復杖藜

江次維舟登古寺

輶櫂因過古梵宮荒涼門徑鎖苔蘚綠陰滿地前朝樹  
清韻含風後殿鐘童子縱慵眠壞榻老僧耽詁指諸峰  
吟餘却返來時路回首盤桓尚駐筇

春日招宋維先輩

甕中竹葉今朝熟鑑裏桃花昨日一作夜開為報廣寒攀

桂客莫辭相訪共銜杯

吹笛兒

龍頭休聽月明中妙竹嘉音際會逢見爾樽前吹一曲

令人重憶許雲封

雲封開元  
善苗者

所思

解珮當時在洛濱悠悠疑是夢中身自從物外無消息

花謝鶯啼近十春

吉水縣酬夏侯秀才見寄

啟鑑悠悠兩鬢蒼病來心緒易淒涼知音不到吟還懶

鑾印開簾又夕陽

和友人喜雪

臘雪頻頻降成堆不可除伴吟花莫並銷瘴藥何如謝女詩成處袁安睡起初深迷樵子徑冷逼旅人居惹砌催樽俎飄窗入簿書最宜樓上望散亂滿空虛

感事呈所知

競愛松筠翠皆憐桃李芳如求濟世廣桑柘願商量

送汪濤

知君別家後不免淚沾襟芳草千里路夕陽孤客心花飛當野渡猿叫在煙岑霄漢知音在何須恨陸沈

言志寄劉鈞秀才

童稚親儒墨時平喜道存酬身指書劍賦命委乾坤秋  
爽鼓琴興月清搜句魂與君同此志終待至公論

訪澄上人

尋師來靜境神骨覺清涼一餉逢秋雨相留坐竹堂石  
渠堆敗葉莎砌咽寒蛩詰到南能肯怡然萬慮忘

經古寺

殿宇半隳摧門臨野水開雲凝何代樹草蔽此時臺遠

塔堆黃葉沿階積綠苔  
跋躡日將暮棲鳥入巢來

送主道士遊東海

巨浸常牽夢雲遊  
豈覺勞遙空收晚雨  
虛閣看秋濤必若思三島  
應須釣六鼈如通十洲去  
誰信碧天高

貽青陽宰

徵賦常登限名山  
管最多吏間民訟少  
時得訪煙蘿

哭故主人陳太師

十年孤跡寄侯門  
入室升堂忝厚恩  
遊遍春郊隨茜旆

飲殘秋月待金尊  
車魚鄭重知難報  
吐握周旋不可論  
長慟裏回逝川上  
白楊蕭颯又黃昏

秋江夜泊寄劉鈞

萬里江山歛暮煙  
旅情當此獨悠然  
沙汀月冷帆初卸  
葦岸風多人未眠  
已聽漁翁歌別浦  
更堪邊雁過遙天  
與君共俟酬身了  
結侶波中寄釣船

御定全唐詩卷七百四十九

欽定四庫全書  
欽定全唐詩卷一萬八千一百五十五

集部

御定全唐詩卷七百五十

李中

和潯陽宰感舊絕句五首

追感古今情不已  
竹軒閒取史書看  
欲尋往哲無因見  
空樹臨風襟袖寒

潯陽景物真難及  
練瀉澄江最好看  
曾上虛樓吟倚檻  
五峰擎雪照人寒

園林春媚千花發爛漫如將畫障看惟愛松筠多冷淡  
青青偏稱雪霜寒

知君百里鳴琴處公退千山盡日看政化有同風偃草  
更將餘力拯孤寒

昔歲尋芳忻得侶江堤物景盡情看就中吟戀垂楊下  
撼起啼鶯晚吹寒

哭柴郎中

昔歲遭逢在海城曾容孤跡奉雙旌酒邊不厭笙歌盛

花下只愁風雨生  
墓接山亭松影晚  
吟陪月檻露華清  
音塵自此無因問  
淚灑川波夕照明

訪章禪老

比尋禪客叩禪機  
澄却心如月在池  
松下偶然醒一夢  
却成無語問吾師

泊秋浦

葦岸風高宿雁驚  
維舟特地起鄉情  
漁兒隔水吹橫笛  
半夜空江月正明

閒居言懷

未達難隨衆從他俗所憎閒聽九秋雨遠憶四明僧病後倦吟嘯貧來踈友朋寂寥元合道未必是無能

舟次彭澤

飄泛經彭澤扁舟思莫窮無人秋浪晚一㟁蓼花風鄉里夢漸遠交親書未通今宵見圓月難坐冷光中

宿鍾山知覺院

宿投林下寺中夜覺神清磬罷僧初定山空月又生籠

燈吐冷豔岳樹起寒聲待曉紅塵裏依前冒遠程

遊茅山二首

綠蘚深迎步紅霞爛滿衣洞天應不遠鸞鶴向人飛

茅許仙蹤在煙霞一境清夷希一作希夷何許叩松徑月空

明

鶴

九臯羽翼下晴空萬里心難駐玉龍清露滴時翹蘚徑  
白雲開處唳松風歸當華表千年後怨在瑤琴別操中

好共靈龜作儔侶十洲三島逐仙翁

暮春吟懷寄姚端先輩

無奈詩魔旦夕生更堪芳草滿長汀故人還爽花前約  
新月又生江上亭莊夢斷時燈欲燼蜀魂啼處酒初醒  
何時得見登龍客隔却千山萬仞青

送圓一作圖上人歸廬山

蓮宮舊隱塵埃外策杖臨風拂袖還踏雪獨尋青嶂下  
聽猿重入白雲間蕭驂紅樹當門老斑駮蒼苔鏘徑閑

預想松軒夜禪處虎溪圓月照空山

送相里秀才之匡山國子監

氣秀情閒杳莫羣廬山遊去志求文已能探虎求驥雅  
又欲囊螢就典墳目豁乍窺千里浪夢寒初宿五峰雲  
業成早赴春闈約要使嘉名海內聞

漁父二首

偶向蘆花深處行溪光山色晚來晴漁家開戶相迎接

稚子爭窺犬吠聲

雪鬢衰髯白布袍笑撝頰鯉換村醪慙慙留我宿溪上  
釣艇歸來明月高

旅次聞砧

砧杵誰家夜搗衣金風淅淅露微微月中獨坐不成寐  
舊業經年未得歸

寄楊先生

仙翁別後無信應共煙霞卜鄰莫把壺中祕訣輕傳塵  
裏遊人浮生日月自急上境鶯花正春安得一招琴酒

與君共泛天津

對酒招陳昭用

花開黃落堪悲似水年光暗移身世都如夢役是非空使神疲良圖有分終在所欲無勞妄一作遠思幸有一壺

春酒且來閒話希夷

旅夜聞笛

長笛起誰家秋涼夜漏賒一聲來枕上孤客在天涯木末風微動窗前月漸斜暗牽詩思苦不獨落梅花

送紹明上人之毘陵

忽起毘陵念飄然不可留聽蟬離古寺攜錫上扁舟月  
出沙汀冷風高葦岸秋回期端的否千里路悠悠

再到山陽尋故人不遇二首

維舟登野岸因訪故居亂後知何處荆榛匝敝廬  
欲問當年事耕人都不知空餘堤上柳依舊自垂絲

寄廬山簡寂觀重道者

憶昔採芝廬岳頂清宮常接絳霄人玉書閒展石樓曉

瑤瑟醉彈琪樹春惟恨仙桃遲結實不憂滄海易成塵  
似醒一夢歸凡世空向彤霞寄夢頻

思溢諸舊居

昔歲曾居溢水頭草堂吟嘯興何幽逆僧常踏竹間辭  
愛月獨登溪上樓寒翠入簷嵐岫曉冷聲繁枕野泉秋  
從拘宦路無由到昨夜分明夢去遊

思胸陽春遊感舊寄柴司徒五首

王孫昔日甚相親共賞西園正媚春醉卧如茵芳草上

覽來花月影籠身

烟鋪芳草正綿綿藉草傳杯似列仙暫輶笙歌且聯句  
含毫花下破香牋

南陌風和舞蝶狂惜春公子戀斜陽高歌飲罷將迴轡  
衣上花兼百草香

春郊飲散暮煙收却引絲簧上翠樓紅袖歌長金盞亂  
亂

銀蟾飛出海東頭

昔年常接五陵狂洪一作共飲花間數十場別後或驚如

夢覺音塵難問水茫茫

泉

潺潺青嶂底來處一何長漱石苔痕滑侵松鶴夢涼泛  
花穿竹塢瀉月下蓮塘想得歸何處天涯助渺茫

題徐五教池亭

多一名一作

士池塘好塵中景恐無年來養鷗鷺夢不去江

湖泉脈通深澗風聲起短蘆驚魚跳

一作藏

藻荇戲蝶上

菰蒲泛泛容漁艇間門載酒壺漲痕山雨過翠積岝崿

鋪花影沈波底煙光入座隅曉香憐杜若夜浸愛蟬蜍  
步逸心難厭看吟興不幸憑君命竒筆為我寫成圖

遙賦義興潛泉

見說靈泉好潺湲興莫窮誰當秋霽後獨聽月中濺  
石苔花潤隨流木葉紅何當化霖雨濟物顯殊功

和毘陵尉一作紀曹昭用見寄

決獄多餘暇冥搜萬象空卷簾蹠雨後鑄印夕陽中還  
往多名士編題尚古風宦途知此味能有幾人同

梅花

羣木方憎雪開花獨在先流鶯與舞蝶不見許因緣

舟次吉水逢蔡文慶秀才

別後音塵斷相逢又共吟雪霜今日鬢煙月舊時心  
縱夕陽在聽鴻秋色深一尊開口笑不必話升沈

新喻縣偶寄彭仁正字

經年離象魏孤宦在南荒酒醒公齋冷雨多歸夢長志  
難酬國澤術欠致民康吾子應相笑區區道未光

和彭正字喜雪見寄

千門忻應瑞偏稱上樓看密灑虛窗曉狂飄大野寒園

深宜竹樹

一作柏

簾卷洽杯盤已作豐年兆黎民意盡安

海上和柴軍使清明書事

清明時節好煙光英傑高吟興味長捧日即應還禁衛

當春何惜醉胸陽千山過雨難藏翠百卉臨風不藉香

却是旅人悽屑甚夜來魂夢到家鄉

壬申歲承命之任渝陽再過廬山國學感舊寄

劉鈞明府

三十年前共苦辛，囊螢曾寄此煙岑。  
讀書燈暗嫌雲重，搜句石平憐蘚深。  
各歷宦途悲聚散，樂看時一作流輩或浮沈。  
再來物景還依舊，風冷松高猿狹吟。

留題胡參卿秀才幽居

竹廕庭除蘚色濃，道心安逸寂寥中。  
扣門時有棲禪客，灑一作灑酒多招採藥翁江。  
近好聽菱芡雨徑香，偏愛蕙蘭風。  
我慙名宦猶拘束，脫屣心情未得同。

放鷺鸞

池塘多謝久淹留長得霜翎放自由好去蒹葭深處宿  
月明應認舊江秋

柳絮

年年二一作三月暮散亂雜花飛雨過微風起狂飄千萬

家

早春

一種和風至千花未放妍草心并柳眼長是被恩先

春雲

陰去為膏澤晴來媚曉空無心亦無滯舒卷在東風

送姚端秀才遊毘陵

毘陵嘉景太湖邊才子經遊稱少年風弄青帘沽酒市  
月明紅袖採蓮船若耶峩峩似若耶溪名在毘陵越岫吳

峰盡接連此去高吟須早返廣寒丹桂莫遷延

和朐陽載筆魯裕見寄

燕臺多事每開顏相許論交淡薄間飲興共憐芳草僻

吟情同愛夕陽山露濃小徑蛩聲咽月冷空庭竹影間  
何事此時攀憶甚與君俱是別鄉闌

敘吟二首

往哲搜羅妙入神隋珠和璧未為珍而今所得慙難繼  
謬向平生著苦辛

成僻成魔二雅中每逢知已是亨通言之無罪終難厭  
欲把風騷繼古風

貽毘陵正勤禪院奉長老

隨緣駐瓶錫心已悟無生默坐煙霞散閒觀水月明竹  
深風倍冷堂迥磬偏清願作傳燈者忘言學淨名

冬日一作中書懷寄惟真大師

自別吾師後風騷道甚孤雪霜侵鬢髮音信隔江湖擾  
擾悲時世悠悠役夢途向公期盡節多病怕傾壺賤跡  
雖慙滯幽情忍使辜詩成天外句棊覆夜中圖落壁燈  
花碎飄窗雪片麌煮茶燒粟興早晚復圍爐

獻中書潘舍人

運叶半千數天鍾許國臣鵬霄開羽翼鳳闕演絲綸顧  
問當清夜從容向紫宸立言成雅誥正意敘彝倫朴素  
偕前哲馨香越搢紳褒辭光萬代優旨重千鈞公退誰  
堪接清閒道是鄰世間身屬幻物外意通津弔往兼春  
夢文高賦復新舍人有弔往文春夢賦行於世也琴彈三峽水屏畫十  
洲春庭冷鋪苔色池寒浸月輪竹風來枕簟藥氣上衣  
巾茶譜傳溪叟棊經受羽人清虛雖得趣獻替不妨陳  
杞梓呈才後神仙入侍頻孤寒皆有賴中外亦同忻有

士曾多難無門得望塵忙忙罹險阻往往耗精神尋果  
巢枝願終全負米身連逢敦孝治塞塞值通津最慶清  
朝祿還霑白髮親甘柔心既遂虛薄報何因遠宦連綿  
歷卑棲夙夜勤良時空愛惜末路每悲辛骨立駒猶病  
顏凋女尚貧而今諧一作偕顧遇尺蠖願求伸

御定全唐詩卷七百五十